



ГОВЬСҮМБЭР АЙМГИЙН ЗАСАГ ДАРГЫН  
ЗАХИРАМЖ

2022 оны 03 сарын 01 өдөр

Дугаар А/74

Чойр

Хаврын нэгдсэн эргүүл шалгалт,  
сурталчилгааны ажил зохион  
байгуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 60.1.1, Захиргааны ерөнхий хуулийн 43 дугаар зүйлийн 43.1, 46 дугаар зүйлийн 46.1, Байгаль орчныг хамгаалах тухай хуулийн 16 дугаар зүйлийн 16.2.1, Амьтны тухай хуулийн 5 дугаар зүйлийн 5.5.1, Ойн тухай хуулийн 17 дугаар зүйлийн 17.2.20, Гамшгаас хамгаалах тухай хуулийн 32 дугаар зүйлийн 32.1.8, Онцгой байдлын ерөнхий газрын 2022 оны "Ой хээрийн түймрээс урьдчилан сэргийлэх тухай" 01 дүгээр албан даалгавар, аймгийн Иргэдийн Төлөөлөгчдийн Хурлын 2021 оны 12 дугаар сарын 03-ны өдрийн "Аймгийн 2022 оны төсвийг батлах тухай" 05 дугаар тогтоолын 05 дугаар хавсралтаар батлагдсан "Байгаль хамгаалах, нөхөн сэргээх арга хэмжээний жагсаалт"-ын 2.3 дахь заалтыг тус тус үндэслэн ЗАХИРАМЖЛАХ нь:

1.Хаврын хуурайшилтын улирал эхэлж хээрийн түймэр гарах эрсдэлийг өндөрсгөж байгаатай холбогдуулан болзошгүй хээрийн түймэр, байгаль хамгаалах журмын эсрэг гэмт хэрэг зөрчлөөс урьдчилан сэргийлэх, иргэдийг мэдлэг мэдээллээр хангах ажлыг эрчимжүүлэх зорилгоор нэгдсэн эргүүл, хяналт шалгалт, сургалт сурталчилгааны ажлыг 2022 оны 03 дугаар сарын 01-ний өдрөөс 06 дугаар сарын 01-ний өдрийг хүртэлх хугацаанд зохион байгуулсугай.

2.Нэгдсэн эргүүл, хяналт шалгалт, сургалт сурталчилгааны ажлын удирдамжийг 1 дүгээр, ерөнхий хуваарийг 2 дугаар, ажлын төсвийг 3 дугаар хавсралтаар тус тус баталсугай.


3.Эргүүл, хяналт шалгалтын ажилд шаардагдах 669,750 (зургаан зуун жаран есөн мянга долоон зуун тавин) төгрөгийг Байгаль хамгаалах, нөхөн сэргээх арга хэмжээний зардлаас зарцуулахыг Байгаль орчин, аялал жуулчлалын газрын дарга (Д.Мөнх-Эрдэнэ)-д зөвшөөрсүгэй.

4.Эргүүл, хяналт шалгалт, сурталчилгааны ажлыг хуваарийн дагуу нэгдсэн удирдамжаар хангаж, зохион байгуулахыг Байгаль орчин, аялал жуулчлалын газрын дарга (Д.Мөнх-Эрдэнэ), малчид иргэдэд чиглэсэн сургалт сурталчилгааны ажлыг эрчимжүүлж, сумдын ерөнхий зориулалтын мэргэжлийн ангийн хүн хүч, техник хэрэгслийн бэлэн байдлыг хангуулан ажиллахыг сумдын Засаг дарга нарт, дээрх ажлын үр дүнд хяналт тавьж, нэгтгэн тайлагнахыг Онцгой байдлын газрын дарга, хурандаа (Х.Сүхбаатар) нарт тус тус үүрэг болгосугай.

ЗАСАГ ДАРГА

Г.БАТЗАМ

Аймгийн Засаг даргын 2022 оны  
03 дугаар сарын 01 -ны өдрийн  
А/74 дугаар захирамжийн нэгдүгээр  
хавсралт



## НЭГДСЭН ЭРГҮҮЛ, ХЯНАЛТ ШАЛГАЛТ, СУРГАЛТ СУРТАЛЧИЛГААНЫ АЖЛЫН УДИРДАМЖ

### Нэг. Зорилго

Байгаль орчныг хамгаалах, Гамшгаас хамгаалах, Ойн тухай хууль тогтоомжуудыг хэрэгжүүлэх болон хаврын хуурайшилтын үе эхэлж байгаатай холбогдуулан тус аймгийн хэмжээнд болзошгүй хээрийн түймэр, байгаль орчны эсрэг гэмт хэргээс урьдчилан сэргийлэх зорилгоор эргүүл шалгалтын ажлыг зохион байгуулж ард иргэдийг мэдээ, мэдээллээр хангах, учирч болох эрсдэлээс урьдчилан сэргийлэх, анхааруулга сэрэмжлүүлэг өгч иргэдийн бүлэг нөхөрлөлүүдийг чадавхжуулан ажиллахад оршино.

### Хоёр. Хугацаа

Эргүүл хяналт шалгалтын ажлыг 2022 оны 03 дугаар сарын 01-ны өдрөөс 06 дугаар сарын 01-ны өдрийг дуустал хугацаанд гүйцэтгэх ба хуурайшилтын нөхцөл байдлаас хамаарч уг хугацааг өөрчилж болно.

Гурав. Үйл ажиллагааны чиглэлээр зохион байгуулж, хэрэгжүүлэх

Д/Д	Хэрэгжүүлэх арга хэмжээ	Хариуцах байгууллага
Хээрийн түймрээс урьдчилан сэргийлэх ажлын хүрээнд		
	Хээрийн түймэр гарах эрсдэлтэй Сүмбэр, Баянтал, Шивээговь сумын хөдөөгийн багт байгуулсан бүлэг, нөхөрлөлийн урьдчилан сэргийлэх талаар уулзалт ярилцлага хийх, гарын авлага материал тараах	ОБГ, БОАЖГ,МХГ, ЦХ, УЦУОШТ, СУМДЫН ЗДарга нарт
	Ойн тухай хуулийн 13 дугаар зүйлийн 13.1.30-д заасныг хэрэгжүүлэн ой, хээрийн гал түймрийн аюултай үед албан хаагчид, олон нийтийг татан оролцуулах	
	Хээрийн түймэр, байгаль орчны гэмт хэрэг зөрчлөөс урьдчилан сэргийлэх ажлын талаар мэдээ мэдээллийг орон нутгийн хэвлэл мэдээллийн хэрэгслээр сурталчлах	
<b>1.Онцгой байдлын газрын дарга, хурандаа Х.Сүхбаатарт</b>		
1.1	Ойн тухай хуулийн 17, 18, 26 дугаар зүйлд заасныг хэрэгжүүлэн ой, хээрийн гал түймэртэй тэмцэх, урьдчилан сэргийлэх төлөвлөгөөг сумдын засаг даргаар батлуулж, хэрэгжилтийг тайланд тусгах	
1.2	Монгол Улсын Шадар сайдын 2018 оны 12 дугаар сарын 07-ны өдрийн 120 дугаар тушаалаар батлагдсан зааврын дагуу аймаг, нийслэл, сум, дүүргийн гамшгаас хамгаалах төлөвлөгөөний ой, хээрийн түймэртэй тэмцэх, урьдчилан сэргийлэх төлөвлөгөөнд тодотгол хийх	
1.3	Монгол Улсын шадар сайдын 2021 оны 7 дугаар сарын 21-ний өдрийн дугаар 68 дүгээр тушаалын 4 дүгээр хавсралтаар батлагдсан “Ой, хээрийн гал түймрийн эрсдэлийн үнэлгээ хийх заавар”, ой, хээрийн гал түймрийн эрсдэлийн тойм судалгаа (ерөнхий үнэлгээ)-г хийх аргачлалын дагуу тухайн орон нутгийн ой, хээрийн гал түймрийн эрсдэлийн ерөнхий үнэлгээг нутгийн захиргааны байгууллага бусад талуудын оролцоотой хийлгэх	
1.4	Ой, хээрийн гал түймэр унтраах томилгоот бүрэлдэхүүн, дайчлагдан ажиллах иргэдийн үүхийн бэлтгэл, бэлэн байдлыг хангах автомашин техник, тоног төхөөрөмж, бүх	

	төрлийн багаж хэрэгслийн засвар үйлчилгээг хийж, аюулгүй найдвартай ажиллагааг хангах, шаардлагатай сэлбэг, хэрэгслийн нөөцийг бүрдүүлэх
1.5	Ойн тухай хуульд заасан хуурайшилт бүхий цаг хугацаа буюу жил бүрийн 3 дугаар сарын 20-ны өдрөөс 6 дугаар сарын 10-ны өдөр хооронд орон нутгийн төрийн байгууллагатай хамтран байнгын болон хөдөлгөөнт хяналт, шалгалтын цэг ажиллуулах
1.6	Төв, орон нутгийн телевиз, радио, олон нийтийн мэдээллийн хэрэгсэл, цахим орчныг ашиглан хавар, намрын хуурайшилтын болон зуны хэт халалтын үед иргэд, аж ахуй нэгж байгууллагуудад ой, хээрийн гал түймрээс урьдчилан сэргийлэх, унтраах чиглэлээр сэрэмжлүүлэг, сурталчилгаа хийх ажлыг зохион байгуулах
1.7	Галын аюулгүй байдлын тухай хуулийн 10 дугаар зүйл, 10.2.4, 10.3 дугаар зүйлд заасны дагуу орон нутагт байгуулагдсан “Гал түймэртэй тэмцэх сайн дурын хэсэг”-т тодотгол хийх, гамшгийн эрсдлийн ерөнхий үнэлгээгээр эрсдэл ихтэй үнэлэгдсэн сум, хороонд нэмэлт хэсэг байгуулах, тэдгээрийг сургалтад хамруулж, чадавхжуулах
1.8	Ой, хээрийн гал түймэр унтраах томилгоот бүрэлдэхүүнд ой, хээрийн гал түймэр унтраах, хүрэлцэн очих үеийн замын хөдөлгөөний аюулгүй байдал, хөдөлмөрийн аюулгүй байдал, эрүүл ахуйн дүрмийн сургалт, дадлагыг /танхим, цахимаар болон хээрийн дадлага хэлбэрээр/ зохион байгуулах
1.9	Ой, хээрийн гал түймэртэй тэмцэх чиглэлээр Цагдаагийн хэлтсийн Экологийн цагдаатай хамтран ажиллах 2021 оны 3 дугаар сарын 01-ний өдрийн баталсан төлөвлөгөөнд заасныг хэрэгжүүлэн ой, хээрийн гал түймрийн талаарх дуудлага, баримт, мэдээллийг хүлээн авсан тухай бүр төв, орон нутгийн холбогдох мэргэжилтэн, алба хаагчдыг томилж ажиллуулах.
1.10	Онцгой байдлын байгууллагын “Хөдөлмөрийн аюулгүй байдал, эрүүл ахуйн дүрэм”-ийн 5 дугаар бүлгийн 3.3, 3.5-т заасныг хэрэгжүүлэн алба хаагчдыг эрүүл мэндийн үзлэгээр оруулж, хачигт халдвараас урьдчилан сэргийлэх дархлаажуулах тарилгад хамруулан, ой, хээрийн гал түймрийн голомтод 25-аас дээш бүрэлдэхүүн ажиллах үед эмнэлгийн тусгай хэрэгсэлтэй 1 эмч заавал томилон ажиллуулах,
1.11	Ой, хээрийн гал түймрийн голомтод ажиллах 1 бүлгийг 12 хүний бүрэлдэхүүнтэй зохион байгуулан офицероор ахлуулж, хөдөлмөрийн аюулгүй байдал, эрүүл ахуйн зааварчлага өгч баталгаажуулан, үүрэг гүйцэтгэх бие бүрэлдэхүүнийг байршил тодорхойлогч /GPS/, сансрын холбооны утас /IRIDIUM/ болон байр зүйн зургаар хангах
1.12	Ой, хээрийн гал түймрийн эрсдэл бүхий бүс нутагт үйл ажиллагаа явуулж байгаа амралтын газар, аялал жуучлалын бааз зэрэг үйлчилгээний байгууллагуудад төлөвлөгөөт бус гал түймрийн улсын хяналт шалгалтыг мэргэжлийн байгууллагуудтай хамтран зохион байгуулах, ой, хээрийн гал түймэр унтраах анхан шатны багаж хэрэгслийн нөөц бүрдүүлэх, бэлэн байдлыг хангуулах
1.13	Коронавируст халдвар (Ковид-19)-ын цар тахалтай холбогдуулан мэргэжлийн байгууллагаас гаргасан халдвар хамгааллын дэглэмийг мөрдөж ой, хээрийн гал түймрээс урьдчилан сэргийлэх, унтраах үйл ажиллагааг төлөвлөх, сургалт сурталчилгаа явуулах, дадлага сургалтыг төрийн болон төрийн бус байгууллага, хуулийн этгээд, иргэдийн оролцоотой хамтран зохион байгуулах
1.14	Ой, хээрийн гал түймрийн мэдээ, мэдээллийг хүлээн авсан албан тушаалтан цаг агаарын болон ой, хээрийн гал түймрийн нөхцөл байдал, авч хэрэгжүүлж байгаа арга хэмжээний талаарх мэдээллийг Онцгой байдлын ерөнхий газрын Гал түймэртэй тэмцэх газарт цаг алдалгүй шуурхай мэдээллэх
1.15	Коронавируст халдвар /Ковид-19/ -ын цар тахалтай холбогдуулан мэргэжлийн байгууллагаас гаргасан халдвар хамгааллын дэглэмийг мөрдөж ой, хээрийн гал түймрээс урьдчилан сэргийлэх, унтраах, сургалт сурталчилгаа явуулах, дадлага сургалтыг аймаг нийслэлийн төрийн болон төрийн бус байгууллага, хуулийн этгээд, иргэдийн оролцоотой зохион байгуулах
	Орон нутгийн хэмжээнд ой, хээрийн гал түймрээс урьдчилан сэргийлэх үйл ажиллагааг

	байгууллага, хуулийн этгээд, иргэдийн оролцоог уялдуулан зохицуулах, тэдгээрт мэргэжил арга зүйн туслалцаа үзүүлэх
1.17	Онцгой байдлын байгууллагын ой, хээрийн гал түймэртэй тэмцэх автомашин, тоног төхөөрөмж, багаж хэрэгслийн бэлтгэл, бэлэн байдлын хангуулах
1.18	Ой, хээрийн гал түймрийн нөхцөл байдал хүндэрсэн үед Гамшгаас хамгаалах тухай хуулийн 6 дугаар бүлгийн 29 дүгээр зүйлийн 29.1.7-д заасныг хэрэгжүүлэн гамшгаас хамгаалах үйл ажиллагаанд шаардагдах хүч хэрэгслийг дайчлан оролцуулах тэдгээрийг мэргэжлийн удирдлагаар хангах
1.19	Ой, хээрийн гал түймрийн голомтод олон хоног, удаан хугацаагаар ажилласан үед алба хаагчдын өдөр тутмын болон хамгаалах тусгай хувцасны эдэлгээний хугацааг харгалзахгүй нөхөн хангалт хийх
1.20	Ой, хээрийн гал түймрээс урьдчилан сэргийлэх, авран хамгаалах, унтраах ажлын нэгдсэн удирдлага, бодлого, зохион байгуулалтаар хангах, гал түймрийн улсын хяналтыг хэрэгжүүлэх ажлыг зохион байгуулах
<b>2. Байгаль орчин, аялал жуулчлалын газрын дарга Д.Мөнх-Эрдэнэ</b>	
2.1	Хээрийн гал түймэр гарсан үед Засгийн газрын 2013 оны 106 дугаар тогтоолын хэрэгжилтийг хангуулан техник багаж хэрэгслийн нөөцийг бүрдүүлж, бэлтгэл, бэлэн байдлыг дээшлүүлэн ажиллах
2.3	Хаврын хуурайшилтын улиралд, аялал зугаалгаар явах үйл ажиллагааг тодорхой хугацаагаар хязгаарлах, холбогдох хууль хяналтын байгууллагуудтай хамтран хэрэгжилтэд хяналт тавьж ажиллах, хууль дүрэм, журмыг зөрчсөн иргэн, хуулийн этгээдэд авсан арга хэмжээний талаар олон нийтэд мэдээлэх
2.4	Хэрлэн голын дагуу байрлах бургас нь байгалийн ойн санд цэвэрлэгээ хийх
2.5	Ой сан бүхий газарт гал түймэртэй тэмцэх, түүнээс сэргийлэх талаар ОЙН тухай хуулиар тогтоосон шаардлагыг биелүүлээгүй иргэн, хуулийн этгээдийг Зөрчлийн тухай хуульд зааснаар арга хэмжээ авч, улсын байцаагчийн эрхтэй байгаль хамгаалагч нарын ажлыг эрчимжүүлж ажиллах
<b>3. Цагдаагийн хэлтсийн дарга, Ц.Баярхүүд</b>	
3.1	Ойн тухай хуулийн 16 дугаар зүйлийн 16.1.1-д заасныг хэрэгжүүлэн ой хээрийн гал түймрийн шалтгаан, эзэн холбогдогчийг тогтоох, энэ тухай холбогдох мэдээллийг улирал бүр Онцгой байдлын ерөнхий газар болон Улсын Онцгой комисст ирүүлэхийг,
3.2	Ойн тухай хуулийн 16 дугаар зүйлийн 16.1.1-д заасныг хэрэгжүүлэн ой хээрийн гал түймрийн аюултай үед ойд зорчих иргэд, тээврийн хэрэгслийн хөдөлгөөнийг хориглох, орон нутгийн төр захиргааны байгууллагатай хамтран байнгын болон хөдөлгөөнт хяналт, шалгалтын цэг ажиллуулах
3.3	Онцгой байдлын ерөнхий газрын дарга, Цагдаагийн ерөнхий газрын даргын 2017 оны 1 дүгээр сарын 16 ны өдрийн А/16, А/10 дугаар хамтарсан тушаалаар батлагдсан объектын болон ой, хээрийн гал түймрийн үед хамтран ажиллах журмыг хэрэгжүүлэн ажиллах
3.4	Хээрийн гал түймрийн талаарх мэдээ, мэдээллийг хүлээн авсан тухай бүр төв, орон нутгийн Онцгой байдлын байгууллагад мэдэгдэх, харилцан шуурхай солилцох
3.5	Эргүүл шалгалтаар илэрсэн хууль бус үйлдлийг шалган хуулийн дагуу арга хэмжээ авч хураагдсан түүхий эдийг журмын дагуу шийдвэрлэх ажлыг зохион байгуулж, олон нийтэд мэдээлэх
<b>5. Мэргэжлийн хяналтын газрын дарга, Б.Ганбаярт</b>	
5.1	Зөрчил шалган шийдвэрлэх тухай хуулийн 1.8 дугаар зүйлийн 6.10 дахь хэсэгт заасан харьяаллын дагуу зөрчлийг шалган шийдвэрлэх
5.2	Зөрчлийн тухай хуулийн 7.9 дүгээр зүйлийн 10 дахь хэсэгт заасныг зөрчиж ойн тухай хуулиар тогтоосон шаардлагыг биелүүлээгүй хүн, хуулийн этгээдэд хариуцлага тооцох
<b>6. Ус цаг уур, орчин шинжилгээний төвийн дарга Э.Энх-Од</b>	

6.1	Цаг агаарт зориудаар нөлөөлөх үйл ажиллагаанд шаардагдах төсөв, шаардлагатай техник, тоног төхөөрөмж, сумны нөөцийг бүрдүүлэх, тэдгээрийн аюулгүй ажиллагаа, хадгалалт, хамгаалалтад хяналт тавих, шаардлагатай үед ашиглахыг,
6.2	Цаг уур орчны шинжилгээний төвөөс сансрын хиймэл дагуулын мэдээллийг ашиглан хуурайшилтын мэдээг гаргах
<b>7. Сумдын Засаг дарга нарт</b>	
7.1	Ойн тухай хуулийн 6 дугаар зүйлийн 6.5-д заасныг хэрэгжүүлэн ой, хээрийн гал түймрийн цагийн байдлын тухай мэдээг Онцгой байдлын байгууллагад тухай бүр болон хагас жилээр гаргаж өгөх
7.2	Гамшгаас хамгаалах тухай хуулийн 32 дугаар зүйлийн 32.1.2 дахь заалтыг хэрэгжүүлэн нутаг дэвсгэрийн онцлогт нийцүүлэн ой, хээрийн гал түймэр унтраахад дайчлах гамшгаас хамгаалах алба, мэргэжлийн анги, сайн дурын хэсгийг байгуулах тэдгээрийг ой хээрийн гал түймрийн үед үүрэг гүйцэтгэх дадлага, чадварыг дээшлүүлэх
7.3	Ойн тухай хуулийн 17 дугаар зүйлийн 17.2.13-д заасныг хэрэгжүүлэн ой хээрийн гал түймэр гарсан үед бүрэн эрхийнхээ хүрээнд хүн хүч, техник хэрэгслийг дайчлан, гарсан гал түймрийг унтраах ажлыг шуурхай зохион байгуулах
7.4	Ойн тухай хуулийн 17 дугаар зүйлийн 17.1.5-д заасныг хэрэгжүүлэн, гал түймэртэй тэмцэх сайн дурын хэсгийн ажилтнуудад хууль, эрх зүйн болон гал түймрийн аюулаас урьдчилан сэргийлэх, гарсан ой, хээрийн гал түймрийг шуурхай унтраах мэдлэг олгох, дадлагажулах, ажилтнуудын бэлтгэл бэлэн байдлыг хангуулах сургалт дадлагыг төв, орон нутгийн Онцгой байдлын байгууллагатай хамтарч шаардагдах зарлыг Засаг даргын нөөц хөрөнгөөс шийдвэрлэх
7.5	Ойн тухай хуулийн 43 дугаар зүйлийн 43.1 Засгийн газрын 2013 оны 106 дугаар тогтоолыг хэрэгжүүлэн ой, хээрийн гал түймрээс учирсан хохирлыг хуулийн хугацаанд тогтоож, тайланд тусгах
7.6	Засгийн газрын 2013 оны 106 дугаар тогтоолын 2 дугаар хавсралтын 1.7.1-д заасныг хэрэгжүүлэн хавар, намрын хуурайшилтын улиралд Засаг даргын захирамжаар хуваарь гарган хөдөлгөөнт эргүүл, шалгалт хийх, шаардлагатай газар нутагт хяналтын цэг байгуулан ажиллуулах
7.7	Засгийн газрын 2013 оны 106 дугаар тогтоолын 3 дугаар хавсралтад заасны дагуу сум, дүүргийн нутаг дэвсгэрт ой, хээрийн гал түймрээс урьдчилан сэргийлэх тэмцэхэд зайлшгүй шаардлагатай багаж хэрэгслийг бэлтгэх, бэлэн байдлыг хангуулах
7.8	9 Корноавируст халдвар /КОВИД-19/ -ын цар тахлын тархалттай холбогдуулан мэргэжлийн байгууллагаас гаргасан халдвар хамгаалах алба, мэргэжлийн анги, сайн дурын хэсгийн ой, хээрийн гал түймэр унтраах сургалт, дадлагыг зохион байгуулахыг,
7.9	Ой хээрийн гал түймрийн нөхцөл байдал хүндэрч аймаг, нийслэлээс нэмэлт хүн хүч дайчлан ажиллах үед бүрэлдэхүүний эрүүл мэндийг хамгаалах зорилгоор харьяа эрүүл мэндийн асуудал хариуцсан байгууллагаас тусгай баг томилон ажиллуулахыг,

Дөрөв. Илэрсэн зөрчлийг шийдвэрлэх

Эргүүл шалгалтаар илэрсэн хууль бус үйлдлийг таслан зогсоож холбогдох байгууллагад шилжүүлэн хууль тогтоомж, дүрэм, журмын дагуу шуурхай арга хэмжээ авч ажиллана.

Тав. Үр дүнг тайлагнах

Холбогдох байгууллагууд өөрсдийн хуваарьт өдрөө эргүүл шалгалтын ажлыг ахлан зохион байгуулж албаны унаагаараа тухайн байгууллагын удирдлагаас батлагдсан чиглэлийн дагуу хуваарилсан шатахууны хязгаарт багтаан эргүүл хяналт шалгалтын ажлыг гүйцэтгэнэ. Эргүүл шалгалтын ажлыг гүйцэтгэхдээ бусад байгууллагуудын төлөөллийг оролцуулсан байна. Үүнд: Мэргэжлийн хяналтын газар, Онцгой байдлын газар, Байгаль орчин, аялал жуулчлалын газар, Цагдаагийн хэлтэс төлөөллүүд зайлшгүй хамрагдсан байна.

Тухайн хяналт шалгалтыг ахлан хийсэн байгууллага /сумдын хувьд байгаль орчны байцаагч, байгаль хамгаалагч/ ажилтан ажлын тайлангаа холбогдох баримт, фото зурган мэдээлэл, жолоочийн замын тооцооны хуудасны хамт баталгаажуулан аймгийн Байгаль орчин, аялал жуулчлалын газарт тухай бүрт ирүүлж тайлагнан шатахууны тооцоог дуусгана.

Захирамжийн биелэлтийн тайлан мэдээг 2022 оны 05 дугаар сарын 24-ны дотор Байгаль орчин, аялал жуулчлалын газарт ирүүлэх

Байгууллагуудаас ирсэн тайлан мэдээг Байгаль орчин, аялал жуулчлалын газар нэгтгэж 2022 оны 06 дугаар сарын 01-ны өдрийн дотор Аймгийн Иргэдийн Төлөөлөгчдийн Хурлын дэргэдэх Гэмт хэргээс урьдчилан сэргийлэх ажлыг зохицуулах зөвлөл болон АЗДТГ-ын Хяналт – шинжилгээ, үнэлгээ, дотоод аудитын хэлтэст тус тус хүргүүлнэ.

Аймгийн Засаг даргын 2022 о.  
03 дугаар сарын 01-ны өдрийн  
А.З.Н дугаар захирамжийн  
хоёрдугаар хавсралт

### ЭРГҮҮЛ, ХЯНАЛТ ШАЛГАЛТЫН АЖЛЫН ХУВААРЬ

№	Эргүүл, шалгалтаар явах газрын нэр	Эргүүл шалгалтаар явах хугацаа /сар, өдөр/	Эргүүл шалгалт хийхэд 1 удаа явах км	Нийт эргүүл шалгалтаар явах давтамжын тоо	Нэг удаад зарцуулагдах шатахуун /литр/	Нийт зарцуулагдах шатахуун /литр/	1 литр шатахууны үнэ /төг/	Нийт шаардагдах үнэ /төг/
1	Байгаль орчин, аялал жуулчлалын газар	III/25 VI/27	200	2	30	60	2,375	142,500
2	Онцгой байдлын газар	III/07 IV/07	200	2	36	72	2,375	171,000
3	Сүмбэр сум	IV/25	200	1	30	30	2,375	71,250
4	Баянтал сум	III/24 IV/20	150	2	30	60	2,375	142,500
5	Шивээговь сум	III/15 IV/23	150	2	30	60	2,375	142,500
<b>Нийт</b>			-	<b>9</b>	-	<b>282</b>	-	<b>669,750</b>

Аймгийн Засаг даргын 2022 оны  
03 дугаар сарын 01-ны өдрийн *№174*  
дугаар захирамжийн гуравдугаар  
хавсралт

**ЭРГҮҮЛ, ХЯНАЛТ ШАЛГАЛТЫН АЖЛЫН НЭГДСЭН ТӨСӨВ**

№	Зарцуулагдах ажлын нэр	Шатахуун	Тоо хэмжээ	Нэг бүрийн үнэ	Нийт үнэ төгрөг
1	Ажлын хэсгийн эргүүл шалгалтын ажилд зарцуулагдах шатахуун	А-92	282 л	2,375	669,750
<b>Нийт</b>			<b>282</b>	<b>-</b>	<b>669,750</b>